





傳
8532
16

夢痕錄餘
下



素性不嗜何也十一月十五日昏定微雪次早霏
霏不絕過午止平地盈尺二十一日古梅寄到葆
涓師書書云夏間接四月廿三日所寄書備悉年
兄近日服餌見效並四令郎得與選拔欣慰之至
其所以未卽具覆者緣愚初夏感患赤痢起卽誤
投補劑以致淹纏日久幸荷

聖慈賜醫賜藥得以從容調治元氣尙不至大虧中秋
前數日方始斷痢銷假彼時屢欲搦管而未能也
近又聞家二兄病逝之信中情摧愴更無暇及來
書惓惓于彌補虧缺爲外省吏治之大患使當局

者皆能如此存心何有于賊氛之肆擾耶年兄伏處田間不忘

國計生民宜乎後人之隆隆日起也前次所言九事往來胸臆未嘗刻忘邇來賊氛似有敗亡之勢

至尊宵旰焦勞

嚴旨頻頒而埽蕩尚稽時日愚以衰病計拙謀迂纖毫罔效每慚素食夙夜靡甯縷縷情懷又有不能盡述者年兄可以心照也草草佈覆順候近佳不具十二月邑孝廉以來春大挑截至甲寅恐人多車貴邀繼坊克日先行作書荅葆淳師見竹汀宮詹

文集刻所撰先人傳銘作書命

繼坊

過蘇親謝

乞贈言今見八稟者文則盧學士

文弼

抱經堂文

集朱太史

士瑤

梅厓文集吳祭酒

錫麒

有正味齋

集魯明府

仕驥

山木居士外集鄒孝廉

方鏞

大雅

堂集羅孝廉

有高

尊聞居士集邵學士

晉涵

南江

文鈔詩則杭太史

世駿

道古堂集吳侍講

壽昌

虛

白齋存稟張徵君

雲錦

蘭玉堂集朱明府

坤

餘暨

叢書徐明府

志鼎

吉雲草堂集吳孝廉

蘭庭

南雪

草堂詩集鍾明經

駕鼇

海六詩鈔賦則陶州司馬

廷珍 午莊賦鈔閨秀則屈鳳輝步月樓詩鈔沈彩

春雨樓集潘素心不櫛吟總集則越風雨浙輶軒
錄詩話則戴太常略吳興詩話先人均得附以傳
矣生日晴暖意緒閒適卽事抒懷成七律十首漸
懶披吟晝欲眠宵長無計得安便居雖近市人稀
到暖只依暄坐屢遷眉玉那迴駒隙影銷金不耐
藥鑪烟多情惟有當簷月冷浸梅花又一年登
場傀儡待人支笑語頻頻襍涕洟熟客相逢名屢
問生書乍展字多疑模糊舊事迴腸久輾轉新聞
到耳遲寓屋何當喬作主綢繆欲待未陰時親
知握手慰還憐盡道顏丹勝昨年近事方疑風有

約餘生翻喜命無權閻羅萬一真忘我默照尋常
自樂天怕向鏡中問消息松皴面與鶴翎顛幾
載辛勤百卷完重開轉訝未曾看車前螳臂當非
易鐙下蠅頭辨已難賸欲丹鉛慳手筆生憎點畫
誤雕刊從今只合尸居似一簣功虧更渺歡七
十年來鮎上竿阿誰真見未央丸閱人曾訝全才
少讀史方知備福難春夢綺羅桃葉渡秋江潮汐
子陵灘可容重理三千牘更計遺文卷若干計
借幾輩話鵬搏示疾維摩強自寬跛脚飽看山一
角蒙頭濃睡日三竿人辭白社吟初罷祭辦黃羊

歲欲闌最喜敝裘新贖得圍爐更不怯宵寒 寸
燭何由照四筵自濡惶恐賦蝸涎纓冠枉急鄉鄰
鬪垂囊癡談子母錢舊雨客憐今雨客逆風船羨
順風船陳人入夢多師友絕少葭莩到枕邊 天
涯陳迹感勞薪誰見金剛不壞身寒就重衾眠愛
早饑嫌復進味求新虛期病覓三年艾差解心空
一斛塵太息妖氛秦蜀界書來東閣說憂民 慈
航何處問通津纏結偏餘未了因吟窆謂陶丈剛
覺亭
催酬別句公車又送遠游人山猶待雪雲長凍水
欲凝冰風作鱗喚取兒曹頻炙硯裁書凝望六街

塵 畢竟精神病就危刻前兒女祝康強童孫續
健更端戲老子鷗閒百慮忘省費心皆行樂地休

饒舌是攝生方閨餘七日春風近紙閣温存賴孟

光十六日五更起繼坊 傲裝北上繼培 送之過江

坊 自粵東歸兩足患風有時不能起立卧亦不能

轉側雖未久即瘡猶慮再發既起不復寐走筆書

二律寄之喔喔三號燭乍然披衣已聽促開船老
人送子難為別佳節思親恰近年駟道

慣經愁雨雪羸軀新健念揚鞭征途聖恩覃鈴語
留眼南還客

口語書函報慎旃觀光絡繹
天尺五風光樓指

郎當我夙語統駟雲路遙瞻
美談漫羨

月重三行將及弟應前導好與傳家作美談漫羨
捧符榮百里蓬 是歲雨暘時若惟六月二十三
萊聲望重圖南

五日淫雨二十五日夜金處二府各山蛟起水驟發金華山衝決平地水深數丈金華淹溺最多由蘭谿而下近江無不受害波及諸暨數日間錢塘江漂浮樹木房屋無算幸吾郡他邑秋成皆稔沙地木棉花收成中等市肆小錢漸淨庫紋一兩止直制錢一千文番銀一圓秋閒猶直制錢八百七十八十文十月漸減至十二月止七百六七十文二十一日立春前一日微雪是日見現二十九日歲除庚申畢矣分歲後喜成一律歲庚今夕盡申年運厄龍蛇度已遷閱世春秋增幾許畱身著述想當然天倫長聚神仙福人事倘來飲啄緣齒冷隨園真作劇吾生不

賦告存篇稜好对備酬外詰頌辭迴韻親好職

六年辛酉七十二歲元日晴成二絕句

又聽牙牙學語新畫圖遺像認

來真後人漸遠前人近我禮前人教後人漫者徵效有無中修短從今付太空合謝岐黃勞劬剛精神至竟壽離蟲八春以來胃衰脾弱餐祇一盂甘淡食

稍鹹輒不受腥膩不能入口氣急痰多語澀步重向晦欲眠達曙日猶倦開窗外羣鳥聲疾徐呼應枕上聽之差足沁脾唐人春眠不覺曉絕句或譏為瞽者詩昔嵇文恭師謂白米飯淡喫最佳聞者知公廉貧疑為戲言由今思之殆皆衰年實事未歷其境者不知耳西山日薄不能再事校讐四月

朔屬梓人開雕三史同名錄曩刻雙節贈言初集
每百字版片寫刻共制錢五十六文迨刻續集增
工價七文丙辰兒輩刻夢痕錄又增十七文今欲
仍八十文之數承攬者尙有難色彊而後可昨年
以支言杭蘇已至一百十文而刻手不如初集之
工鏤版日增勢實使然先是歸廬旣成談地理者
僉疑有水余曰水成於地地安得無水卽有水亦
葬屢言之家人似不謂然去冬繼坊將赴京師集
諸男申前說繼坊言大人壽自無量久聞地須他
求水壙當無用理余慮治命之不可行深以爲憂

吾婦密與繼塚謀命周壻別邀相墓師俞君挈匠
啟視歸以告余言俞君登阜周視謂龍自東來轉
折而西爲陽脈陰受阜盡山平樹東西分列爲肌
理刷開佳城也必無水請勿啟塚慮無以徵信乃
啟穆壙果乾潔復啟中壙亦然所貯木斤兩如初
識油香例穀不枯不芽昭壙已葬不更啟余驗之
信與往年啟秀山壙同曩言有水者多來徵視相
顧詫異蓋至是而余得定歸骨之地矣又以記之
記曰余悲夫求葬地者不人事之修惟地利之擇
爲相墓師所盡若子孫枯苑無不由先塋所致究

之地不能自言其吉凶而術家言亦無定愈求而愈不得或歿身不葬其親爲之子孫者沿而效之甚至兄弟析居彼此歧見家且日落木朽于堂不得已貫地浮厝無暇更籌入土瓦裂裴傷有目不忍見口不忍言者余自成童至今六十餘年歷歷在心故平生持論力主葬義爲藏之說往爲先考妣卜兆秀山未嘗延師覆相後啟壙甚吉歸廬之地余初未之聞也乙卯三月二十三日方與相墓師童君竹巖商所之會執友顧君在西過訪言山陰九里巖似有可取翼曰偕童君放舟出南郭

門十五里爲漁臨關橋入山陰縣境西小江又三四里曲折入小河舍舟陸行約三百步爲巖卽沈氏居里又北爲九里巖約一里許山腰平坦由東而西其最高者曰黃盛塢松檜叢生涉其顛少夷艮趾而下見松林中突起小阜童君曰阜下可葬也宜作己山亥向升阜而望則向之最高者環其下爲青龍爲案其白虎之山稍遠重疊映衛山下多殯舍而山中無墓蓋求地者之所不到也余甚樂之遂屬童君代購主者樸愿直尙廉券書五畝比立界爲黠者旁撓所受不及券之半時四月二

日也越九日壙成又四日遷前婦匱葬焉遂自題
墓前之石曰歸廬用識全歸之志未幾親友往視
多言水侵壙不合葬法余不爲動今之啟視非余
意也而適如余意殆真有天幸焉葬書之說余素
不解亦不求其解恐僅解大略轉足掣地師之肘
而葬地卒不可得夫人之居室最久不過百年其
間多爲游跡所間不啻雪泥鴻爪猶且尺土寸椽
不可強求馬鬣之封瘞骨千古詎能以人力謀者
涉世無大惡孽天必不忍暴其枯骸宅心無甚險
慝天必不忍斬其拜埽墓之吉凶當於人事求之

豈宜責效於黃壤哉余性迂拙惟栗栗焉不敢逆
理喪心上累先德之一念夷險不移先人窀穸人
以勞覓余以逸獲而所以藏魄者復賴良友一言
不費心力而得之雖發祥之說未敢懸信而水患
浮談可以頓釋則惑暱風水之蔽而耗力費財竭
智巧以求之者其亦可憬然悟矣書寄

繼坊系之

以詩昔吾葬吾親信天不問地甯獨營自藏轉於
地擇利天地豈有私吉凶稱人事五男各盡
心此精彼求備山神默無言臆測憑誰試過慮見
輩才萬一增妄冀吉壤不可知曠日淹枯甑以此
謀一邱不欲勞後嗣喜茲播祭便更乏隣冢比結
廬兩旬間高爽符夙企灑然賦歸與幸畢守身志
局外饒舌何龍脈辨真偽可憐愛我心翻使聞者
悻啟庭衆愕貽寬閒實神昇昭然大道旁未許凡

眼覲俯感地效靈仰荷天曲庇心力不會煩獲免
講壑棄作詩貽子孫蕃後先自治寄聲遠游人無
夏異時累先世祖墓在航塢山土名畫山舊許後裔祀

葬迄今五百年耐者蟻附棺上架棺冢平結冢見
之惻然聞支下遷居東村畝裏汪者有木字號公
山與畫山相對以制錢十四千文易山十二畝立
石曰汪氏公山爲耐葬之地告知族衆呈縣示禁
不得復於畫山震動先靈閱邸鈔戶部尙書傅公
森卒於位公輶軒偶過留意人才詳見前錄真能爲

國家愛人者年不副德當不獨受知者隕涕矣六月
初七日繼坊寄回葆淳師四月初十日書書云春

中長君至接手書諸承關念爲感年兄年逾七十
著書不輟抑且蒿日憂心不能少釋此等習襟超
出尋常萬萬天之報施善人自必不爽來書云四
令郎惟耽書卷別無嗜好卽此可以爲年兄慶此
後惟當頤養精神委心任運而已來書又云一交
酉月每飯二盃星命家言非盡不驗其中必別有
微奧非人所能盡釋也三史同名元史本證二書
將已脫稟足見精力未衰甚爲欣慰長君春闈復
躡無足介意家門過於旺盛亦不可爲厚福有績
學力善而并不逮者造物之意要自有在學治臆

設以同人任民社者得此可以啟發識見勉爲良吏行之一方一方之人被澤無窮此卽年兄之陰德也續增十數則益覺周密讀之者當惟恐其盡豈有辭費之嫌愚年已七十有七久應懸車祇以受

恩深重當此軍務倥傯豈可自圖安逸所幸近日捷報聯翩蔽功在卽彼時可乞骸骨歸里後令兒孫輩租種數十畝薄田以供餽粥自信尙能安之兒孫輩資質俱屬中平來書謂官可不作書則不可不讀與愚見正同天命人事各居其半解得此意足

矣近體如常惟血氣日衰步履尙艱竊位之譏更不能不畏人言也此覆並候近佳不具七月十五日大雨如注不逾時水溢階除是日東陽義烏暴漲沿至諸暨蕭山山陰近江田畝被淹西興江水溢入內河北海陡漲倒灌入三江閘曹娥江亦被海水漫入山陰蕭山沙地俱淹海沙牧地七月初阮公入告分別減租并減場課之則歸縣征收民困稍蘇不意秋棉垂穫盡付波臣又煩當事分別勘免聞新昌嵎縣地方俱遭水患八月望後三日同名錄成九月初二日

繼坊書至知繼壩充

實錄館供事議敘京師自六月初一至初五晝夜大雨積水數尺寓舍坍塌日用大難永定河決口四處直隸所屬九十餘州縣被災文安最重順天鄉試改期九月

至尊宵旰焦勞發帑賑恤民情甯謐浙闈榜發繼培得而失繼坊公車七上培亦五試於省屢逢

曠典空入寶山病廢久延未得見其寸進更待來年命竟何如回念昔年久困場屋重吾母懸望者真乃百身莫贖聞闈中填副榜時監臨阮公商之主考遇有拔貢易以備卷果易二名皆本科選拔歸

余湖南同考請勿令副貢再中副榜見前錄皆得援

為故事則於試典無礙舉子有益未始非權宜作人之道寄實齋次子緒遷華級論幕學書書云客

歲聞足下歸觀未幾復出非得已也至今常懸懷抱昨尊公書來以足下決計習幕期為軍府參謀節鎮奏記較雞鶩爭食稍存身分屬僕致書商權尊公所見乃經世大計立業遠謀僕特知其小者近者耳雖然切己之實功而持身之要道也幸足下恕其戇焉夫寒士身分在乎品學不關幕地之崇卑僕嘗見講身分者托足幕府侈然自放若主

人當在弟子之列者然有識者觀之不直齒冷幕
之爲道佐人而非自爲境同籬寄無論所處何地
等是雞鶩爲伍言行道行總以得伸吾志爲上欲
不降其志惟佐州縣爲治庶幾近之蓋書生與牧
令分相當體相敵合則留不合則去品無瑕玷學
不拘迂到處逢迎不憂一日無館節鎮軍府雖養
尊處優亦與所主抗禮畢竟分位相懸爲之者非
主人甚賢計畫少有齟齬訑訑之聲音顏色常有
難以爲情之處異鄉遠客去之則猝無所就降心
抑氣閒或不免僕嘗聞而矜之是以佐幕數十年

專就州縣禮聘州縣而上至于司撫無不堅辭太
守去州縣不遠然亦未嘗就者此則別有苦衷以
爲幕之佐吏專爲治民民之利弊惟牧令當周知
之亦惟幕州縣者有以熟察而詳審之事無鉅細
難易無一不權輿州縣牧令真知確見其所可否
大吏不得而奪之獄有關係牧令鞫於庭幕屬耳
焉情實情虛不難立時剖辨盡得其真居太守幕
祇據詳供核辦設有絲毫點綴便成枉縱以人之
失成我之辜可已乎不可已乎由前所云兩利相
形則取其重由後所云兩害相權則取其輕願足

下慎思之無慕節鎮也且吾輩業儒自有利世濟物之途爲人謀終不若身親爲之幕所托足皆借徑耳官無大小以能治民爲本節鎮經濟皆當於州縣幕中裕之地雖衝劇日必有暇暇則溫故業以爲他日身親作用博奕歌彈庸幕之所事一切屏除雞羣自可鶴立鴻鵠志不妨任鸚雀笑毀譽俱可聽之此中人材不易得擇友不可不嚴至非道非義凡失心拂性之舉固知足下有所不爲也僕荷尊公厚愛謬爲中山之馬不知忌諱惟足下鑒察舊著庸訓諳戒子孫不得習幕近見入幕者

不必衡品不必課學律義可不解例文可不讀如文之待批者曰申備案者曰驗罪之在徒上者曰通詳覆擬不及徒者曰隨詳擬結皆習幕三五日卽當耳熟今則儼然大幕得厚脩據首座應驗而申應擬結而通詳案牘徒煩轉滋駁詰累官累民動輒流毒論者或疑其有慾余獨愍其無知因思士君子不得志於時而求可以造福於人莫若佐州縣爲治猶得澤及一方故遇親友之心術純正才識通敏者力勸幕游亦見地之隨時進境非滄初志也力疾手書翫縷不盡先是元史本證分證

誤證遺證名三門草臺甫定未及覆勘繼培試竣

令重校每門皆有增補成五十卷十月望日開雕

丙子六表生日家讌卽席成七律四首廿年前悵

到團團鬢早皤心力都隨兒女耗容輝那乞膳脩

和何圖周甲稱借老類見添丁喚阿婆記得慈闈

親說與新人如故壽應過彌素紅病除憂蘇蘇

爾到壽節精神幾會較佩侈瓊華憔悴姬姜手

豫東坡酒提甕同澆五色瓜不是徇憂規北郭誰

從宦海急歸槎舉案天雷病伯鸞持螯酌酒為

君寬韶華芥苴香中度暮景桑榆照裏看種樹十

年都結果栽花九畹自培蘭底須更羨劉樊耦庸

福而今亦可歡停樽忽觸杞人憂候入初冬稼

未收生耳曾聞禾覆野驚心尚見水盈溝忍忘西

北逢多難私計東南慶有秋願得年年同一飽勞

君擊缶秀水沈吏部帶湖叔埏過訪言沈青齋月

我長謳

初卒於署河庫道任時已補山東運河道未及聞

命余與青齋結契始於為二母乞言交深痛切更不

第惜其用之未竟已也又言嘉興太守伊公方修

府志見夢痕錄記蔣虞氏事行秀水查案年久遺

失據錄載八列女門乃知虞之冥訴實由正氣不

湮而因記夢以傳藉可少救余過飯量漸增至十

一月初復二孟之舊少知肉味是歲穀賤主講杭

州紫陽葭汀客游江蘇觀瞻老病昂若遷居門無

來客寂寥益甚幸武進臧茂才序東鏞堂號拜經

情腕執手寓居西湖代徵雙節文字手書稠疊情溢楮

表敦甫亦以都門徵得詩文聯翩寄惠時時展誦
藉爲忻慰番銀逐月減直冬初每圓止易制錢六
百五十文東鄉更減二十文與三十年前等矣庫
紋直制錢九百文亦與二十年前略同惟市肆制
錢稀少每九十四文作足錢百文名曰大錢仍攬
私錢三四十文用者輾轉受虧錢肆因以得利怨
皆次骨而蹠徒不卹也十二月十四日成七律二
章二萬五千二百日揆初默溯降吾時如流歲月
忙中度無影暗涼靜裏知安樂有窩聊復爾神
仙不死妄言之憑誰爲揆先春信放到梅花第幾
枝病來幾度見星移久慣蹒跚杖履遲夢喜蕭
閒頻索睡藥從加減更延醫紀年待換宜春字餽
歲先分介壽卮詎意良朋能愛我郵緘遠慰乞言

私十八日以文來越五日別去往歲丙午以文贈
前明雙節堂卷跋墨蹟跋稱詩文若干高大王父
侍御公乞名卿碩儒之筆以闡揚二母貞懿云云
未題七代孫曾省識詩文旣佚侍御及二母名氏
里居俱不可攷余以事類吾 母附刻贈言續集
欲按跋蒐採以還舊觀十餘年來惟仁和朱朗齋
文藻錄寄二詩而事蹟又復歧異今秋書賈以明
人集覓售中有雙節堂銘寫本急取讀之始知雙
節爲永樂初常熟朱昌妻錢昌弟亮妻陳侍御則
亮子鉉也十月間貽書昭文張比部理堂燮屬訪

朱氏顛末二十二日得覆書寄邑志各傳及詩文
五首事蹟於是大備余得銘後乞山舟先生題識
先生大書雙節一揆四字於卷端并為作跋烏程
陳廣文無軒焯取全卷錄於寓賞三編二母洵不
朽矣聞章實齋十一月卒余交實齋三十二年踪
跡闊疎甲寅歸自湖北就館近省往來吾邑必過
余敘談見余誤述輒作序言書後以贈去春病瞽
猶事論著倩寫官錄草今夏屬誌歸廬實齋易名
豫室中有數字未安郵筒往反商榷再三稟甫定
而疾作遂成絕筆昔二雲言實齋古文根深實茂

重自愛惜從無徇人牽率之作文稟盈篋數月前
屬穀媵編次異日當有傳人也俗以七十二歲為

八九厄年今年食雖屢減無他病患除日禱賦八

九今宵盡六首八九今宵盡平安又一年紀時歌

枝漸放妍滿腔生意足吾自樂吾天 八九今宵

盡端居四序周避人新論議過我舊朋 八九今宵

誰賣頽齡願易酬愴懷長夜客私幸得天優 八

九今宵盡吾衰分所當冰霜貞古柏雨露潤枯桑

福賴家貧積名依母節彰少年回首處竿木幾

逢場 八九今宵盡安知異日名黃婆甘小食少

女如徐行徹帚千金享為山一簣成荷薪欣有託

何事問雲羹 八九今宵盡冬寒已解嚴晴光融

蠟燭暖氣入瓊簾疎懶從人笑頽唐顧影嫌看雲

依鑑坐天許老夫階 八九今宵盡來朝頌履端

春風遙送喜 王路慶彈冠綠野篝車祝

紅旗旦暮看祥光彌宙合聽賦碩人竟

夢痕金館

突

七年壬戌七十三歲元日風景晴和拜像後諸孫琅琅

誦書掩裘輒相娛戲命扶杖徐行廊下欣然舉筆

得五律六首人生行樂耳况是病餘身又值新春節欣逢首祚辰一番寒徹骨七度歲

更新假面觀兒戲鬚袍迓喜神七年頻晏起今見日初紅春近神先王時和氣自融雲行青間紫

風過北兼東第一昇平瑞天家紀歲豐古來稀七十今日幸加三榮衛猶差健披吟尚自堪報

章從口授記事及街談欲識逃禪趣邀人試說參兒輩分曹去東西襲刺行事循新歲例人記老

夫名好與題門籍安能謝世情最憐筋力廢相鳥媿嬰鳴忽作窺園想支藜度曲廊腳慙三寸短

陰惜一分長待補籬邊菊看栽牆下桑養生羸妙訣新悟橐駝方聞說今年好余懷亦庶幾春風

吹面軟生客款門稀家兆添丁喜人期入甲歸更無塵夢擾久息漢陰機

本證成自此不復讀史矣三月初八日繼培首塗

之京師五月得繼坊書會試薦而不售吾邑館選

二人一何君春躔丙咸一瞿君良士昂籍七月

十五日丙夜繼壕舉長子亥子二時未能即定詩

以志之瑜伽課畢漏遲遲弧矢懸門慰所期喚婢推窗親看月團團金鏡正中時咳名

望兒蓋繼壕婚已九年甚望其得男也入塾當名

世鈐九月朔繼培歸齋到葆淳師手書二函一四

月十三日書書云三月初五接年兄手書雖字畫

不能端整而真誠之悃溢於楮墨感切感切畿輔

去歲夏秋積雨為數十年所未有

至尊宵旰焦勞力謀拯濟已飢已溺之懷昭然共見以

此地方大概甯靜惟刻下賊氛尙未全淨不能不
抱隱憂歸休之說本不忍言而戀棧貽譏亦所當
慮至於家居之後藜藿不充此自有命非人意計
所能及也來書云道義餽贖無庸堅卻此以告者
過也長孫年二十四文義粗通入泮或尙可望刻
下已就府試七子年二十去歲方學爲文亦同應
試觀場而已次孫年亦二十文理尙早其餘諸孫
七人皆幼曾孫兩人年兄五男各有職業可謂善
於位置來書云得福未嘗不厚屬兒子輩績學力
行以盡人事可謂知命者矣元史本證及三史同

名業已付梓梓成得先觀爲快藥言臆說等書嘉
惠匪淺阮中丞所贈襍錄序言理切實可傳也愚
去臘復患血痢兩月仍服苦寒之劑而愈然精力
亦大減矣近亦懶於作書以後彼此祇可令人代
書不必強勉也另單所言具見瘠世苦衷得言之
時敢不竭此鄙忱惟學淺謀迂深懼効忠之無術
耳令郎又未得售未可致怨衡文者惟當返求諸
己轉瞬三年不患不扶搖直上也去歲令內人帶
同子婦孫曾輩回家意謂居鄉日用可以少省不
意家鄉食物亦貴所餘房價約有二千金希冀可

買薄田數十畝以爲衣食之計奈半年之內已用
去少半此非命而何近日京城望雨頗殷不雨而
風更損麥田

天心仁愛大水之後未必復繼以旱然距麥收尙遠米
糧價昂諸物皆貴而錢價又貴甚爲可慮也風便
草此佈復順候近佳不具一七月望日書書云端
午前接手書並三史同名錄元史本證年兄文學
政事兼擅其長可謂之讀書人病榻夢痕錄勘辦
冥事尤足以證生平之判斷可告無愧令郎朝
攷未取固覺可惜然以愚見安知非福從此向學

年紀尙輕鄉會試安知不聯翩而上耶愚告休措
已於月之初三日具奏仰蒙

聖恩過於優崇益加慚悚將來

恩允之後愚亦不忍急作歸計也前函已封茲又畧佈
數行病後不能縷及五月閒染患時疫因急於求
痊服石膏十餘兩致傷胃氣近日漸覺復元矣某

又書

繼培

述師告歸欽奉

恩俞晉階太子太傅在家食俸當俟來春啓行又言師
子孫先歸者應試二人均已游庠爲之欣慰初十
日省歸廬得五六七言絕句三首

蕭蕭萬木空山
腹環烟翠松柏

自物螺生機秋不闕 峰繞嵐迴如畫藏風止水
天真初來且作游客他日方知主人 結廬細細
自安排一鋪貽兒死便埋翻笑 十月 繼坊 歸十一
種桃癡道士欲分生氣待歸骸

月十二日長孫 世鐘 娶同邑縣學生沈 世泰 女是

年春杪食飲大減秋分後始復舊然不耐葷腥氣
抑抑不振惟夜坐可至人定視夏秋未暝輒睡覺
精神又可支持吾郡諸暨間有水災餘皆豐稔番
銀每圓直錢六百五六十文艇匪不到雖聞盜蔡
牽帮未靖而洋路通行閩粵貨賤哆囉呢羽毛紗
緞之類價減往年十之三四絲帛亦然而販者寥
寥僉云民力不充余以為未始非治不尚華之驗

也春夏米價日昂石直錢三千一二百文至冬初

稍減新米尚須二千六七百文不等作書寄呈葆

瀄師十二月 繼壻 子小同 殤十二日以文挈其冢

孫來好學可愛以文性畏江行北不渡揚子東不

渡錢塘庚申以來念余三顧皆於冬月長余二歲

精力甚健聚談竟日意興甚適然回念前二年光

景大覺疲憊夕不成寐得七律四首晨起口授 繼

塚 繕彙請正 桑弧懸處甲辰雌踏躋年華竟到茲

留我精神堆故紙從人評鷺欠新知

平生親友垂垂盡過眼雲烟細細思清寂開門塵
慮息行當養氣似嬰兒 冬來憂樂總關珊桃李
穠華至月看景過更誰談冷暖身親好自記支天
事從耳食書偏誤境憶魂消賦亦難願乞朱陳林

裏住只知眷屬不知官 扶持賴得細君賢白髮
 青藤老比肩附影何能星 替月諧聲不啻管隨絃
 典叙佐我長留客買藥從渠更 覓錢絮絮燈前兒
 女約為祈春健兩輕便 不肖兼愚歲月增又勞
 鮑叔訪西陵丹經莫問蓬 萊客苦海還同粥飯僧
 於我何加皆長物相看不厭 是殘燈明年應許重
 來顧臘味仍春 十五日晨興礎潤以文慮風雨汲汲
 西渡次日陰又二日小雨繼以微雪聞盛林黨山
 諸處有郡丞鹽運分司并武弁彈壓將沿海一帶
 私竈改為官收新政也除夕與家人守歲口占五
 律六首

歲去何能守宵中換故新飛騰分一刻旖
 旄人三春餞臘杯盤共圍爐笑語親餘年
 知更幾燭采逝奔輪 遠聽誰樓鼓蕭蕭報三更
 分錢兒喚母索果弟隨兄於我徧多幸加年或老
 成祇宜相煖熱深闌夜寒生 敢說康甯欠身閒
 樂未央客來兒婉謝羹進婦親嘗老悵宜家願貧

諳養病方年年欣代嬾 扶眼慶春陽 剡下人辭
 歲參差禮數多吾衰言啞 啞孫稚舞 僂僂鄉味羅
 糕粳神筵薦鴛鴦吟成方 自笑曩婢已能歌 春
 閨寒應久冬晴候轉溫 人皆祈雨雪我自愛朝暾
 爆竹封門早趨庭繳課 喧嘩後命婦訓書田誰藝
 謂之門課元謝拜跪 今傳編家規書田誰藝
 後笑看拜長恩 謝不辭 罷除呼其 虛名補之
 種道吾何有全家意趣 同百千萬事過三十六旬
 終紀麗慳新句書名 傲長翁
 來朝期早沐好與坐 春風

八年癸亥七十四歲元旦晨起得五古一首

蚤伺破曙呼披衣大小已環侍 堂中雙炬燿遺像
 懸三世一跪三叩頭 俯仰猶自遂不敢禮衆神懼
 以弛而肆比似去年衰 履闕愁跋躓鹿六裘餘
 歸來歲十二一病俄八年 分爲天所棄塊然轉無
 他得此非夢冀筋力今既 鋪豈復計趨避言念韓
 城師傳命箴素位靜養 乏祕方君子惟居易嗟我
 溯有生久切希賢志苦 爲名利驅躬恥行不逮俟
 命夫何如聞道知及幾 勸哉幸息存七十初開四

小子聽且書凡十八韻粘之座右亭午晴和命兒

斯語請永事輩扶至謾美堂遂登樓觀書口占七律一首不上層樓

七載餘重重推挽陟枕徐病前一日猶依此夢裏
干竿儘憶渠到眼雲山都昨夢凝塵卷裘負閒居
彷彿合記元辰吉客來言浙撫臘杪准咨四川陝
可許年年得慰予

西湖北教匪剗平欣然額慶二十四日杭友寄到

南海馮方山城前令善書備述湖南舊交趙鄴

縣林永明庚申作古趙名秉文籍山西二君余素

相得壬子分手年甫強仕丁巳見邸鈔並以辦苗

匪事加同知銜何圖數年之間俱登鬼錄惜哉同

日郡友又轉致甯遠李憲三書敘邑中紳士存歿

甚詳二書均辛酉春初緘託遠郵之不易如此晦

日奇冷二月朔大雪十四日晝夜雪平地積七八

寸惜不在春前也曷讀元史嘗取明南北監本以

校新刻本頗有異同換元史正字草藁未定閏月

精神稍強因排比先後釐為八卷復令兒輩編寫

二十四史希姓錄四卷讀史掌錄十二卷過眼雜

錄四卷皆平時隨手劄記者舊輯歷科會元墨至

辛丑而止命繼培採甲辰以後墨卷補之後人苟

能揣摩庶不負余苦心也二十日葆淳師寄到手

書二函一新正十日書書云十月望間接手書以

愚蒙

恩予告同深欣慶并悉年兄近日動履稍健且能啖飯
二盃息心靜養日與稚孫識字嬉笑如此頤養自
能日臻強健甚慰甚慰愚歸里之後亦願如此但
不知有此清福否然一生頗知安命或不致煩擾
方寸也愚以老病難支不得不仰乞

聖慈俯予退休至

俞允之後

恩賚駢蕃實非夢想所及兒孫輩未知能仰酬萬一否
歸期約在春中四兒因京中首尾未清不能告假

送歸現已令七兒來京一路服侍不致寂寞去夏
因時疫傳染頗以爲懼過服石膏致傷胃氣數月
以來調理飲食漸覺復元似可無慮年兄有孫八
人兒子輩俱能自謀生得天不爲不優來書云不
願看書不願談天且不願參聞外事見地甚高但
祈守此不變爲禱愚歸家後雖同輩無幾而親舊
紛至沓來支持亦自不易惟宦橐蕭然能見諒於
知交而親族無一相信者爲可慨耳臨行草草書
懷順候邇祺不具一新正望日書書云前札正在
封函新正十三日復接來書情意殷殷可勝感泐

所云孫曾環列分甘問字自有真樂不必午橋平
泉遣興園林數語可以明愚素志然古人功成名
立受此自不爲過若愚者受 國厚恩纖毫罔效
得賦遂初已爲過分今雖餬口不給自省亦似有
足樂者籌補虧空之說各省辦理情形不同大吏
果能潔清再加調劑自有起色不然究成虛誑無
益於事年兄自九月來飯藥復如往年可喜之至
百凡應酬俱付兒輩精神自必健旺惟善自調攝
是囑某又筆計此時吾師當稅駕韓城矣往 繼坊
述師言退食鮮暇刀札酬應多情記室唯尊甫書

字字性真非他人所能代奮手自裁覆尙覺言不
盡意余每愧是言念不去懷自此秦越遙睽余更
病不能書蘊結何能自已謹彙集衰池朝夕展誦
且使子孫知余之所以不見棄於吾師者以實不
以文書多格言永爲家範子孫能世世守之受教
當無涯涘也三月 繼坊 客閩八月初四日何孝廉
葭汀卒先是秀水沈吉士鼎甫 維鏞 至知吾友帶
湖正月作古越數日間桐鄉李大令立三 廷輝 六
月卒於官大令二月書來以百韻雙節詩見贈並
述平湖徐同年春田 志鼎 辛酉物故書未及畱忽

來凶耗孝廉又遭此變不勝傷悼讀帶湖雙節賦

注知二林居集載書雙節贈言後二林居者彭進

士紹升集名也近年見贈言刻入本集者又有朱

學士筠筍河文鈔朱相國珪知足齋詩集吳槎客

騫拜經樓詩鈔未見者當更多矣十四夜雞鳴後

夢入廟見衆神聚而檢書一神授余一冊曰此君

家書也中多奇字一神曰君還家自識欲請其故

聞樓梯有聲遂覺則婦方下樓入室語余曰培見

喜又得男時月初墜天未曙也欣然成二十八字

呼培書之以記其事夢回猶憶夢中身一冊親承似有因時記庚寅辰丙子他

年可稱讀書人咳名文孫入塾當名世錫是日培塚同周

塚赴歸廬丈界立石蓋增置墓旁山三畝通前為

八畝也山主舊種桃樹立時刻去自相山結壙及

一切布置皆塚稟命料理周塚佐之今方竣事九

月繼坊長女歸同邑縣學生葉暉第四子洪域歸

安孫塚書來院試附八郡庠檢歛衣補所未備篋

貯布汗衫前婦病時製遺曾作題衫詩意在殉葬

詳前錄今家人皆謂衫布色黯不可附身舊願不能

酬矣壬子余治壽木吾友穀塍言既歛之次日應

刻平前和刻字磨去面漆再用盥灰以通幅夏布

將棺周圍紮裹復用盃灰做平然後加退光黑漆
則永久堅固記及錄誌他年兒輩可面請吾友訓
也曷誤寢聯屬湯刺史稻邨元邑書書室聯乞梁
侍講山舟先生同書書皆鐫板懸之十一月十七
日子丑分暴風烈雨雷作時過長至七日未知何
祥二十三日夜雨至二十七日甫晴河水長數尺
東鄉低田俱淹是年九月封邱衡家樓黃河暴決
修理功鉅開衡工事例較川楚永定二例捐銀俱
減吾郡秋成尚稔木棉花豐歉不等塘北沙田二
三年來收穫最豐當亦地氣使然署縣尊堅欲採

買倉穀富戶遵四年

諭旨紛紛上控以在籍紳士不肯列名嘖有煩言或轉
告余余曰官事非紳士可阻越俎多事實干例禁
聞者不以爲然既而郡尊臨縣勸諭頗費周章讀
書萬卷不讀律東坡所慮遠矣十二月生日曷常
作詩記事今年吟思枯澀不能成章口占七絕二
首經旬春到尚遲遲淑氣先浮座上巵我與梅花
如有約年年此日見南枝喧傳疑鬼復疑神
老我閒聞局外身誰分乾啼兼溼哭耳邊消息總驚人鐙下家人聚談許久
不能起立左手足亦難運動復爲風困自入夏痰
湧氣急且促語不連屬今忽如是當無輕減之望

次日飯食大減 先大夫忌日不能與祭病風後
可以握筆幸得成書數種去夏以來作貽穀燕談
記見聞近事約四五卷續越女表微一卷共五十
三人皆奇窮極苦或已久死俱錄存之 繼壻 遷福
建漳州府長泰縣典史十七日便道歸省二十日
得鮑以文書書曰屢欲東渡常被病牽悵悵無已
五月間於嘉禾遇秀水朱君閒雲 履貞 偶談及蔣
虞氏事渠乃親辦此案稱烈婦張姓夫爲陳經叔
非蔣虞氏也旋至其家招冊尙在案情與錄相同
惟許天若作許五詢朱君則許五本名天若前修

府志已載蔣虞氏事後得張烈婦事因姓氏殊異
遂致兩案重載聞許五死後令君曾給婦扁頃朱
君至烈婦舊閭屋屢易主扁字無存老鄰龔參引
至烈婦姪女陳家陳年老夫亡言烈婦催審後天
若晝夜惡詈且汙以不潔之名致速婦死迨天若
問徒逃回伊兄力拒不納奔至杉青閘投河淹斃
縣因給扁時婦遺子十歲婦亡後夫死子亦殤今
三棺暴露朱君相商欲爲設法埋葬并置些小祀
產以爲久計大兄似可量力酌助并勒碑立石藉
瞑烈婦之目亦仁者之用心也先此奉布餘俟明

春面罄不盡當允捐銀四兩作札先畚獄名許五
 而冥控直稱天若益信前夢非幻蔣虞氏三字不
 知何以舛錯得毋時勘真事誤記他案姓氏耶越
 今九年幸得朱君訂正故詳記之病體骹骹數人
 扶掖始得著衣舉步樹堂謂僕近立春非重用蕩
 桂不可乃購蕩四錢連服四日未能速效惟胃氣
 復原而已二十四日立春微雨甚寒口占四句冬暖
 春寒氣自然手風難寫彩雲箋歸
 休早辦長閒地又見辛盤待送年
 月小歲除日大
 兩席上口授壕兒代繕七律四首晚風吹雨夜瀟瀟重箔深圍興
 自饒三十夕旬虧六日閏餘成歲守今宵身難自
 主纔知老氣不能舒那更調卻憶康甯平步候洞

天福地境非遙紅燭燒殘欲換年團圓子姓擁
 長筵吟來咭吧嗟兒役話到春初識婦賢同輩幾
 人能健在四時佳節自歡然從今擬守中醫訣漸
 遠刀圭合近仙十載前猶百不須今勞兒掖更
 孫扶久語餌藥何嫌病纔到憂貧已負儒梅嶺迢
 遙占駟使春光輝映見桃符誦詩欲廢苞桑句鴟
 集偏憐反哺烏兒歸日下省吾旁家計王程
 費揣量入口米薪慳桂玉重關山水待車航升眞
 聞說須官獄駢馴諸賸類體作善應知得
 降祥慎莫殷勤來歲約誤營升斗寄高堂

九年甲子七十五歲元日子時大風至辰時方止晏起

不能行禮得七絕八首命孫世鐘書之麗景今年今日初須

人持護起徐徐自憐憑几猶能坐好看從前未見
 書窗如此良辰如此風占年欲辨去來蹤紛紛乘
 稚窗前報四面看雲面峰榻前便仗筇與乘
 新製雙輪推挽勝合倩丹青畫臺徐行庭戶小
 窗憑醫緣漸淺病緣深病柰醫何屢不割膚理
 全疎風易入最難調護是而今形骸如贅自嫌

身賴得聞中氣味親攬鏡相看同一笑白頭人慰
 白頭人數葉書禁半日看朦朧掩卷更慵難風
 淫十載應成廢爛熟心經背誦難打鼓吹簫柰
 若何庭前語笑禱謳歌幾回欲向家人問先慮聲
 暗字易訛三徑苔封度歲朝微吟新句理
 詩瓢卅年愛客心猶在隔院人如聞苑遙十二
 日夕雨至十七日早方霽薄暮復雨十八日後連
 日雷電時有大風雨驚蟄在二十五日候尚早也
 二十四日雨止東鄉低田春花已不免受傷矣錢
 塘江行四五年來皆安穩二月十二日上午微雨
 忽長暗潮俗稱鬼潮風陡作覆二舟又有被波浪掀簸
 墜水者相傳淹斃八十餘人云三月初八日繼埔
 赴長泰任民稱典史亦曰父母當愛民或乃虐民

餘慶餘殃在埔之自為矣先大夫居是官廉平
 仁厚能造福以遺後嗣余閱事五十餘年所見牧
 令及幕客善不善報應無纖毫爽者每錄於燕談
 以示來許嘗曰人得服官即命可自造書曰自作
 孽詩曰自求多福愛百姓乃真愛子孫念子孫當
 兼念百姓長記此語當不敢動輒造孽舊謨生輓
 三聯乞陶大令南園廷琰書素箋誌以歲月語意
 切實他日兒輩可以長懸堂寢命外孫陳掄元陳
 述母節呈學牒詳請旌余病後數年荷二三知
 好轉乞羣雅寄賜雙節詩文分類彙編通得十卷

又書札四卷為贈言三集倩友繕正交兒輩收貯
續得者隨時補錄俟余沒齒付梓六月復細細校
正并校贈言初續二集應改字樣神渙心搖竟不
能執筆從此真廢矣年來胃大薄弱食不知味然
見物輒思入口憶年十一時侍吾父奉吾大
母每得物少許必先進吾母微嫌不敬吾父
曰必多而始進其不進者多矣常默識之今培塚
頗知此意余甚樂之九月十三日揭曉三更得報
繼培中式第五名舉人枕上哦得七絕二首枕畔
聞報聲欣傳榜上有兒名也知鄉薦尋常事喜我
尸居尚幸生五雲多處望三台九萬鵬程風正

催記得未生慈母夢 曩婦病常服六味散乙未正
白衣媼語好滋培 月八日子夜吾母夢白衣老婦坐牀沿曰汝婦
孕男亟當止藥好好培養蓋時孕已三旬矣余今
春病甚日惟培塚左右侍奉無暇肄業竟得忝此
真天幸也十五日赴鹿鳴宴座師房師問培家世
知二母節孝津津歎美予家賴二母之德之
教以傳吾父之仁心遺澤俾余肇始科名今坊
培聯翩繼起後之人知紹聞有自心必正行必謹
學必勤不敢以非道非義之事過佚前光則二
母之流澤長遠矣繼坊 丙午得售余同年許春巖

祖京子宗彥沈念祖丙子培元中順天榜今繼培

幸中同年謝韞山嘉玉子照同榜劉穎思以垂子

九華中順天榜俱可喜也十一月十八日繼坊自

閩歸言漳泉至今不知法紀守令之治多在常刑

之外能者以此見長殊駭聽聞竊意民何至此恐

教之不先咎當在吏是歲三月二十九日至五月

十七日陰雨連綿十八日後亦晴雨相間三江閩

大開無所宣洩東鄉田皆更種石米直錢四千二

三百文幸六七八三月晴和禾皆茂盛收成尚七

八分木棉亦大熟民氣稍紓十二月初十日得繼

壩信知九月十一日得男命繼坊寄字咳名泰兒

塾名世銑十四日生日口占七絕二首衰到今年

時坐起總因人藥能治病難扶老事偶經心便耗

神精力何從更補填飯匙日減夕稀眠座中客

語都嫌絮夢裡自培倖舊朋友多為余慶音書絡

兒啼總可憐培繹湯敦甫書後繫以示培詩情甚懇摯巍巍雙節

重天宮又庇孫枝掇桂叢叔重儒宗經訓闡孟堅

家學史裁通丹宵鳳翮鳴岡日碧海鯤乘破浪風

並駕公車兄及弟半人應健入旬翁余次韻一首

口授壕兒書奮春光待入玉蟾宮得路兒今忝桂

名通先芬倘許承餘慶後進端應拜下敦甫常代

徵 雙節詩文再次元韻奉謝聞闔迢迢入帝宮
多君慧眼摻羅徧俾我烏私婉轉通母氏勤勞同
苦行仁人闡表扇清風此身易朽心難朽報德今
慙欲 閱邸抄見韓城師謝

恩奏師八旬壽日

皇上命巡撫親齋

恩賜二分至家頒給一賜吾師一賜師母此從來未有

之榮幸也除夕詩二首命鐘書之為問今年事餘
生造化仁難忘

陽雨換不惜寢興頻意思兒能喻勤勞婦自均隨
緣聊復爾吾向愛吾身 秋薦兒真忝憐余病尚
安知交紛慶賀近遠惠詞翰為感殷勤意
從教反覆看假年猶有望未礙歲今闌

十年乙丑七十六歲元日晴霽得五律二首今日為元
日新年勝

去年窺天欄戶外謝客板扉前脫口平安語哦詩
吉利篇雲容成五色占歲且欣然 逢新猶屬咏

鹿鹿抑何愚句到老來滑心從病後粗豈能饒
興趣無奈感乘除聊以書時序光陰半日徂 又

得五絕二首昨歲諸孫病年終復黹歡知今更令
節闔宅慶平安 上計兄兼弟甯風

眠其餐熙熙天錫 十八日坊培 啓行示以五律二
福老景笑相看

首兄弟公車共心懸十載前蹉跎吾久病喜懼汝
同緣人說椿萱茂天教鸞鴛聯泥金遙計日會

許見雙全 去去無多慮鏡明月尚圓加餐身自
健念遠意難專隨路書頻寄成名人便還天心畱

老眼舊句七年前 二月十一日讀邸抄知韓城師
鈇已耄年眼與楓成

於去臘至 闕謝

恩畱京未歸正月初十日以疾卒師為輝祖生平第一

知己永訣終天哀痛不能自已遂設師位於寢招

同門士湯元芑陶廷琬王宗炎同哭祭焉三月初

二日孫芝生殤詩以哭之諸孫叢裡汝翹然生小

今不見無多來日待黃泉問卜求神事總非海

天空闊任渠歸七年一瞬曇花現小影虛傳捧杖

依殤死長留骨月恩一堆寒土記吾孫前姑今

日應相倚麥飯他年侍九原粗識之無問獨勤

千餘難字畫能分家人猶說從前事兩字芝官不

忍聞泣不成聲淚欲乾老妻勸慰亦沈瀾愛孫

不是都成癖安靜聰明似汝難病風久悵負乾

坤望汝才賢報國恩如此收場關我福餘生知

更幾時存天生靈物合非常草草如何赴北邙

不信無根年便短前身應未是芝祥蘇姓時神醒

名兒玩好收羅總界炎干戈俎豆盡成嫌為憐都

是兒經手過眼先教淚欲霑百藥千方兩歲會

誰能油涸再然鎊泣看元氣絲絲盡聽我呼名尚

一磨容易提攜到七齡算無欠汝一星星如何

鼎角成童子不許書聲與我聽十首哀吟字字

真兒應聽得點頭頻不知寒魄今何似波逝雲飛

迹已陳童鳥無復預元功去住因緣問初八日

化工再世會逢羊叔子重來合作顧非熊初八日

上王宜人家命世鉅醉芝生詩曰醉汝一屆酒記

心無盡銜哀始自今埋汝三尺士附十六日得

我百年墳歲歲清明節紙錢幾陌分

徐古梅書畧云去冬十二月韓城師到京某謁見

之頃言及九令郎鄉薦當與大令郎同來師甚為

欣喜不意正月中遽爾溘逝追維師誼良用痛悼

皇上賜卹優隆

贈太子太師諡文端八祀賢良祠

資銀二千兩為歸櫬之費并勅沿途地方官妥洽料理

哀榮極至云云坊培兩兒至京已不及叩奠矣書

夢痴錄

卷三

中又言紀曉嵐師協辦兩旬二月間作古

賜諡文達是日適傳同年許春巖方伯亦於二月辭世

師友之痛愴八肺腑陽湖洪編修稚存亮吉過訪

出贈更生齋集有跋輝祖所撰二母行狀一篇情

詞真摯至文也編修初名禮吉卅年前介二雲乞

言得七古長篇前年臧序東又為余乞得此文重

感良友之意二雲嘗述編修行誼心甚慕之垂暮

乃得一見深自慰也四月十二日丙夜得報世鐘

附八縣學喜得七律一首枕函聞喜四更前記陟

說論孫曾有穀何圖繩武遠稱賢聯芳於盼泥金

藝書十九日人定報知繼培會試中式第四十七

名枕上成七律一首先人庇蔭到孫枝僥倖將歸

懸萬一竟無差他年報國文章力此日承家忽

有感於芝生悽然成二絕去歲秋風翼俊鷹盼兒

酣春色泉路長眠見不會合眼長如近我身每

逢喜事更傷神何當眼底懸雙淚祇覺心頭少一

人五月十二日繼坊自京歸言繼培四月十四日

覆試二十五日知培殿試第三甲第三十六名

朝考取第十名分部學習得五律二首寄之汝

差可篤帝簡與天同俾爾從容日勉旃練達功

忠誠勤職業孝節繼家風責實談何易榮名保始

終久病留余住徐徐待汝成學惟優可仕心以

養能平稽古應資治通經莫近名師門遺教速趨

步稟

是科吾邑中式三人一盛君鳴和唐館選培

得主事一葉君維城林勳榜姓錢籍宛平以知縣分發四川

欽賜學正一人王君景園宗彬也自三月初長

雨至五月霽後方晴去冬市米石值三千文入春

漸貴至夏至每石四千五六百文官為平糶於祇

園寺設廠給票二十九日鄉民赴寺領票擁斃婦

女六十餘人人情凶慘官為給費埋葬其有受傷

歸斃者尚數十人嗣後每日領票多有傷折皮骨

飢餓餘生不能復辦藥物常致殞命同人公捐給

資為醫藥埋葬之費豈窶人劫數使然抑辦理者

之未善也六月十五日得繼培書分得吏部文選

司以余病即乞假歸七月初一日旋里說部載關

帝之籤莫靈於正陽門側之祠然有祠之處籤無

不靈坊培隨計日余遣世鐘詣衙後關帝廟祈籤

籤曰百千人面虎狼心賴汝干戈用力深得勝回

時秋漸老虎頭城裡喜相尋培初字汝滋汝用二

字已示必售培以立秋後半月回家又與第三句

相合靈應如此聞關帝籤語天下相同惟吾郡至

大寺獨異往歲庚午同一友祈籤友籤神斥其隱

事甚為駭愕蓋是處有神所謂相在爾室也二十

夢溪筆談

日孫娛兒殤娛與芝生俱歧指同生同死老人遺

此惋痛何言得桐城胡徵君虔識學錄內有書佐

治藥言後一篇議秀水陶惠先事詳前錄謂禮庶子

成人無子者無以兄弟子為後之義惠先不當後

其叔其長子非大宗不當立後其所後之叔當耐

於祖援据禮文反覆申辨其言甚正然於當日情

形殊未昭合蓋惠先之後叔父歷有年所陶氏無

議之者今因其子爭繼而輒奪其所繼於理不順

況陶氏家貲巨萬向未分析叔不議繼姻族必不

允服一經議繼必須分家分家則覬覦分肥之輩

從旁搆扇勢不至破家不止是以余佐孫師定議

斷主耐食之說使爭繼者無所籍口案遂完結一

時權宜調劑不得不爾而陶氏遂得保全無恙且

禮順人情情之所不可禁不能執禮以奪之也世

俗無子之人苟稍可支持未有不立嗣者如胡君

言惠先之叔與其長子皆不合立後揆之人情亦

屬不安從來令之折獄幕之議事當以愛民省事

為主遇富家事尤苦棘手讀書者拘文牽義解事

者避謗引嫌觀望蕩延滋為民病余前錄所記凡

引經決獄諸案往往經旨不必如是每藉以厭服

人心慘淡經營頗費神用故通經之上官無不委
曲允從同年章實齋書夢痕錄後據經疏證謂余
讀書通變而不失其正可爲經旨通其外義真通
達治理之言恐因胡君之論事有難行聊復申明
鄙意非護前也書寢不寐成書懷七律十首今年
更比去年慵左右手如官印封身似催枯頰緩帶
誰能起蹙更扶筇青鞋布襪緣都謝掃地焚香孰
與從郤到祇園鐘鼓後晚風遙聽隔鄰春 五男
三聚一家歡況有諸孫擁膝端閒話有時談故事
同人無奈望長安忽傳急雨娥江溢又報洪流颯

社漫

徐州發水高寶湖堤坍塌與河合流

夏令秋行秋復夏眼前合

作夢痕看 西薄何由日再中如斯逝者歎恩恩
年將八秩歸非遠矢欲三遺氣不充短髮搔來驚
早禿雙聰聽久愧全聾卽今厄比黃楊閏知識俱
銷悵病風 世事回環總悵然破巢完卵記丁年
生成最幸依茶燍少小何曾輟誦絃代闡烏私良
友力得昭彤管令聞傳春暉寸草終難報便到歸
廬劇自憐 曾笑何曾食萬錢齒牙全脫斷腥羶
累人口腹平生孽遠我庖廚近日綠菜可朶頤堪
惜福藥能扶老望長年卜居最愛湘湖好贏得尊

香勝鱸鮮 追痕記夢柰春何痕短痕長夢裡過
愛客人偏愁客至好談事轉怕談多因依木石耽
居僻脫畧衣冠任俗訶敢說禮非爲我設守身得
了更無他 半生縞紵夢中緣覆雨翻雲頃刻遷
意不盡宣艱口授書當欲寄轉心戀九原可作悲
身後四海論交負眼前正是西風蕭瑟候南柯一
枕獨悽然 檢點身心七十年平陂倚伏總由天
鄰醯與或何周折官紙鈔書亦辜愆幸少伎求名
利淡猶多期望子孫賢茫茫舊事難追憶習坎誰
將撮土填 一番秋雨一番涼十日淫霖鬱寸腸

氣候難調多自誤陰陽不定可誰商海沙吉貝風
全掃隴畝嘉禾水漸傷癡坐頽然無箇事也隨鄰
里祝民康 三年閣筆語支離坐席長欹寢似尸
臏欲殺青存舊藁更難塞白賦新詞懸厓況味知
心少小住光陰轉眼移過去未來都莫問好憑現
在辨醜疵命 世鈺 錄存以誌近狀十月 繼坊 次女
歸山陰候選知府徐 秉鈞 次子候選同知 青照 是
歲雨暘時若秋收豐稔惟石米值錢三千文未減
木棉中下市價甚昂十二月十二日鮑君以文東
渡喜陰雨連日藉可信宿盤桓予交以文四十年

雙節詩文刻碑鏤板具費心力爾來歲一訪予今
七十有八精神愈健談說舊事靡靡可聽於書籍
尤殫見洽聞嘗勸其錄記異同存佚以資攷訂以
文每笑頷之至今尚未屬筆生日得七律一首又
生朝歲欲移今年筋力更難支啓尋手足知何日
凜我冰淵及此時病類成施痕記夢筵開湯餅例
添詩渡江鮑叔多情命世鉅錄存十七日以文病
甚春酒從兒頌介翁頭暈急西渡余用自危也自憶平生秉性戇直不
能謹言雖幸親知曲諒未干大戾而事後之悔紛
不可追惟敬鬼神三字服膺勿失晷刻遊時每到
館次日齋戒詣城隍廟訴不得不幕之故默誓神

前念稍苟且神奪其魄是以兢兢自凜凡不可入
廟之事俱不敢為後吏甯遠亦然水旱祈禱無不
立應疑獄二事詳前錄靈祐昭然此余治心之實學
也自讀姚端恪公嘗覺胸中生意滿須知世上苦
人多之句偶生怨尤立時悔悟佐幕時自誤苦心
未必天終負辣手須防人不堪一聯書以自警尤
舉念可質鬼神病廢十一年猶得微天之幸及見
子孫輩讀書成立未必不由於此吾子孫善承之
而已二三月來痰多氣滯精神愈憊不願開口不
願見人並不願聞家事命繼坊重繕曾祖以來

祭規俟吾夫婦百年後城居三房輪值壩塆二房
鄉居不便酌付祭產數畝令其自祭因念余身後
百事預備口定終制撒手即可治斂附身附棺誠
敬如禮斷斷不可用僧道鼓樂樹燈等項余四世
單傳房族無應服之人距鄉路遠不須分帛自至
親密友以外不必徧訃七日原可發引或有月日
避忌亦當選擇但不可久遠停住中堂致使魂魄
不安吾墓遠在山陰會葬以勞親友宜敬辭之萬
不可已者及門而止俗例至親有祖道之祭此最
無謂當以遺命毋受吾生無益於世然守先人之

訓以節儉自持兒輩治喪宜體此意惟饋奠依禮
用牲此外素膳最宜不必行酒無得豐侈肴饌烹
宰暴殄陷吾於不節不儉可以此語揭於匱前親
友食於有喪之側諒不以口腹責人也喪事稱家
切不可負債飾觀貽吾後累吾平生不敢累人又
何忍死累子孫余一生謹慎不敢造孽未必仗二
氏解脫卽有罪惡亦非二氏之徒所能懺悔七七
毋令僧道治懺醮余治命如此萬勿故違當邀穀
膳至家商酌渠比原稟畧有刪定吾素志已畢更
無一字可商違卽不孝辱莫大焉卽欲從此輟錄

見輩謂余神明未衰可以從緩余自維語言蹇澀
萬一將來不能出聲所關非細且此時長嫡三房
同居侍鄰日後宦客分手俱未可知不及今明白
定制余心何安嘗讀朱子跋呂伯恭日記云觀其
繙閱論著固不以一日懈至於氣候之暄涼草木
之榮悴亦必謹焉則其察物內省蓋有非血氣所
能移者是錄亦頗具此意顧手不能記而託之於
口至於口難盡言則其勢不得不止爰成俟命詩
四首得過中秋六見霜未來歲月可誰量起居是
處須扶掖眠食猶能自主張去早去遲心總慳名

存名沒事何常惟餘一念增悽惋師友彫零孫兩
殤 縈迴疇昔悶難堪閱歷因緣仔細探可奈物
情爭絢爛幾曾家食恣肥甘生涯到此身餘幾世
務關心事尚諳邸報傳鈔頻額手 綸言崇樸

聖恩覃 結習深深老蠹魚精勤聊借補荒

疎銷磨歲月經兼史檢點篇章卷更舒潤飾尙期
師一字工夫何忍負三餘十年前與家人約欲回
首時先廢書 繭室親營十一年口裁終制意欣
然不豐不儉行吾素全受全歸去自便嫁娶早完
兒女累詩書儘畀子孫傳巡檐索共梅花語便許

句畱祗信天情事如此更復何言倘天假餘年此
身幸免大戾兒輩隨時補錄不補亦可二十七日
命世鐘錄記越一日小盡除夕夜雪至天明霽寒
為丙寅元旦時嘉慶十一年余年七十有七矣歸
廬主人自識

先府君自錄行事止此時為嘉慶丙寅正月朔
旦至丁卯三月 府君棄養中間十有三月不
復命筆不孝繼坊等當 府君精神稍勝時閒
請續記 府君笑而不答坊等不敢瀆也惟念
府君生平以守身為事親第一義嘗自言一

日不啓手足則守身之事一日未了是以此十
有三月中雖體氣衰減至於綿悒未嘗片刻縱
逸不孝等若不補綴紀錄無以徵 府君修身
俟命全歸所受之終事謹按錄中體例續書仍
退一格以示區別云

十一年丙寅七十七歲正月刻謨美堂神堂柱聯
府君丁巳自製語也歸安孫氏妹病命繼培往
視以其女配繼培子世錫四月繼坊客蘇州五
月妹婿於虎文文熊八縣學時距 府君入學
已六十年戚友欲請重修謁廟禮 府君以銅

疾不能備禮謝之作詩以誌

咫尺宮牆萬里如支離病耐十年餘

忘機已判同瀛鳥遺興猶教伴蠹魚文字感深知已往衣冠禮笑半人疎不堪重賦牽芹句欲踵錢虛願復虛濺酬

歲癸亥作續錄復有以事狀聞者故再編次入

錄者共六十有一人 府君自前丙寅後每歲

皆有詩彙或數歲一編

詳前錄

歸田十餘年草彙

叢襍夏日刪定詩六卷文二卷因曰吾自是不

復以文字應酬然七月閒又為表兄徐蘭臺撰

尊甫頤亭先生墓誌題仁和孫侍御頤谷

志祖

深柳勘書圖遺照固未嘗廢筆墨也九月二十

三日鮑綠飲先生來知學治臆說善俗書刻八

知不足齋叢書第二十四集是夕疾作日轉劇

府君自慮不起寄書召

繼坊

歸越十餘日神

氣復安為

繼培子世鉅

聘同邑國學生蔡一峰

次女十二月孫氏妹卒除夕

繼壕

婦來氏卒

十二年丁卯七十八歲正月初四日陝西韓城王武

部新齋

堵時

過謝文端公第四子也時夜漏下

十餘刻 府君聞之急披衣起延入握手甚歡

武部出文端公行述墓誌 府君讀終篇因述

平昔知遇之感哀不自勝武部亦為之泣下語

良久方寢次日武部入辭 府君款談移時猶

戀戀不忍別也二十日 繼坊 客蘇州二月倩畫

師王景昭寫真復作小照繪 世錫 於旁命曰授

經圖口授記數行屬 繼培 識之卷尾為 繼塚 聘

山陰國學生婁東書先生 大甯 第三女為繼室

謂 繼塚 曰吾久病早晚不可知設有不測孫輩

幼不可使無母既聘當即娶吾亦庶無心事因

手取時憲書選吉日曰三月二十四日最佳勿

更緩也嗚呼孰知 塚 婦於歸之日即 府君棄

養之辰豈 府君自知去期而不忍離孫弱息

伶俜數年以益 繼塚 護視之勞耶嗚呼哀哉

府君去冬病愈胃氣頗強飲啖勝於常輔以藥

餌面貌豐悅背上肉益隆起僉謂期頤之徵正

月下旬食量驟減見藥物輒揮去意忽忽常若

不樂家人以為憂然未嘗淹卧牀第晨興二人

輿至堂中檢新購書一一繙閱時復讎校贈言

三集命 世鐘世鈺 檢字典點定訛字倦則輿入

內寢睡片時起復手書薄暮猶不忍釋日以爲

常 府君生平畧無嗜好惟癖耽經籍嚮幕遊

時 繼坊 嘗侍左右見 府君治官書每日三二

時便了暇卽瀏覽書史同幕諸君或以飲酒博
奕相娛樂 府君終不一過諸君亦無敢以俗
事恩 府君及宦湖南讀史日以卷計有事不
滿數必益燭補之歸里後鍵戶養疴課 繼坊等
讀書亦自讀往往至夜分不止吾 母苦諫

府君笑應之曰吾依書爲命子但見吾廢書當
爲料理後事易簀前三日猶坐堂中看書數數
摺角若將覆閱者日下春神氣微倦忽命整理
入厨隨取贈言三集彙本授 繼坊 曰此吾未了
事也好藏之命家人燂湯洗足畢就寢自是遂

不起嗚呼 府君至是真廢書矣次日疾有加

繼坊

自蘇州歸 府君坐牀絮絮問客中事問

已復卧又次日家人晨起問安 府君語 坊等

曰吾昨夢吾 父吾 母汝前母環坐榻前執
手相慰勞吾殆將不起矣吾少孤恃 兩母苦
節長教成人常恐此身失檢玷及 先人佐幕
當官兢兢以保身爲念幸遇

尊恩封贈二世奉身求退以後節鎮幣聘稱疾固辭中
風十餘年得老死牖下完身體髮膚以見 先
人吾幸多矣今卽死吾復何憾又曰堂尊於寢

吾死後歲朝當奉先像於堂饌品如吾在時不可簡慢祀吾內寢肴饌毋視先人吾不可與先人並也既復泛言家事又屬_坊等曰吾無遺訓庸訓一編吾遺訓也汝輩時時展玩能自愛如吾愛身吾先人當呵護之醫來診視云脈如常幸勿他慮_坊等竊喜益進藁桂庶幾有起色二十四日清晨_{繼塚}婦婁氏至謁見府君府君側身面外色和婉語答如平日辰已閒脈忽透出手背_坊等倉皇無策急進藁府君勉啜復棄去親友來問疾者撫枕以好言

慰謝日亭午遽命易衣_坊等以氣息微弱不可動固請少緩府君意甚不悅語益急乃令家人環侍次第易内外衣整冠履府君以手自理其鬚粲然微笑秀色溢於目若生平極得意時逾數刻日交未日瞑遂逝嗚呼慟哉府君志在守身躬躬抑畏數十年如一日啓手啓足得遂初願固宜含笑而逝也庸詎知_{不孝}等不肖不克自樹立以承先訓以遺府君憂者知復何窮而府君遽棄_{不孝}等而長逝耶哀哉慟哉_{不孝}繼_坊繼_壙繼_坊繼_培繼_塚泣血謹

識

夢痕錄

夢痕錄餘終

孫世金重刊

夢痕錄庸訓合刻題跋

汪先生龍莊病榻夢痕錄二卷續一卷雙節堂庸訓六卷皆賦遂初後所著也先生年二十為諸侯上客晚而登第服官之日淺所著在治藥言學治臆說早膾炙人口世皆知先生為名幕也而吏事已不及知更無有知其學行之醞者 中丞清河龔公每舉先生為僚屬法竝出二書相示曰人之立言有根柢然後有枝葉藥言臆說為吏與幕導之源者先生之言也言與行必相顧夢痕錄所以踐其言也言何以踐述論謀誦清芬庸訓者學行之本言之所由立也合二書觀之庶可補藥言

臆說之所未及乎雖然猶有說焉近朱者赤近墨者黑
方柄圓鑿格格不相人也先生少無期功強近之親長
鮮聲勢攀援之力乃歷聘數十州魁所主賢士大夫咸
依爲左右手其時上游若桂林韓城兩相國番禺中丞
有人倫鑒聞先生名翕然無異詞卽浦嘉善王臨汾輩
才智氣力雄視一時而先生獨浩浩落落進退自如固
其立於己者眞而信於人者久乎其時之以道義相
切磋亦可見矣余受而卒業旣服 中丞所見之大持
論之正顧以習俗好尙風氣各殊人之一身但求自立
惟其能立於己故行克肖其言人亦遂信所言而不疑

於所行否則其言雖著試之行而或不然久且竝其言
而廢之矣學者誠由藥言臆說以求夫言行相顧之旨
而咸思所以自立焉則必有不爲風氣轉移者然則錄
也訓也又豈第爲吏與幕導之源哉迺請於 中丞重
梓以行世綴述緒論附以己意俾讀是書者共覽焉
咸豐紀元長至月湖北黃州府岐亭同知邵綸跋於望
雲官舍



痲痘合

痲痘合

痲痘合

痲痘合

痲痘合

痲痘合

痲痘合

痲痘合

